



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

Nvm. 2. Quantitas.

urn:nbn:de:hbz:466:1-13167

conueniunt: nihilominus ab illis hi sibi cauent, quoniam vix se continent homines rapto viuere assueti, ubi aliquid prædæ in nauibus latere nouerunt.

NVM. 5. *Politia Moreæ.*

PRINCIPES Græci, seu Despotæ Moreæ, diu hîc rerum potiti sunt, qui Turcis in Europam irruptentibus Hexamilum excitauerunt rursus, atque munierunt, opus à Peloponnesiis excitatum tempore belli Persici ut præmoniuimus. Hic murus ab Amurato II. disiectus est, regio latè, & feedè vastata. Vindicarunt & hanc sibi Veneti anno Christi 1543. cùmque murum excitarunt denuo, & duplice fossâ muniverunt intra 15. dies, 30. hominum millibus diu noctuque laborantibus; sed quanto labore & industriâ munitio illa excitata fuerat, tam turpiter, & flagitiosè deserta fuit, atque per Mahumetum II. nullo negotio disturbata, quando Thomas Palæologus ultimus Moreæ Despota exautoratus Romam profugit. Saniacus Methonensis de Modon dicitur Morabegi, hoc est dominus Moreæ & mille equites educere solet: Nauplia tamen *Napli de Romanie*, penè videtur esse libera; ideoque crescit in dies, aliis deficientibus. Per Moream sparsi Albani, gens parum quieta, & neque iugum ferre potens, nec sat gnara excutere; ideoque conqueruntur indigenæ se Albanorum imprudentiâ sæpe Turcarum crudelitati expositos esse.

§. 5. *De Albaniâ.*NVM 1. *Nomen Albania.*

ALBANIA semper Arbania apud Leuncium dicitur; qui obseruat Albanos à Turcis appellari Arnaut-laros. Quidam volunt Albanorum nomen antiquum esse, siquidem Ptolemaeus hîc urbem Albanopolim nominat: melius dicti sunt ab Albanis Asiaticis, qui expulsi per Tartaros eas sedes occupauere.

NVM 2. *Quantiitas Albania.*

Longitudo eius defumitur ab urbe Dulcinio Dulcigno, & pertinet ad montes Albanos, seu quibus Albania dispescitur à Macedonia, & continet 120. mil. pas. leucas Franc. 60. Germanicas 30.

M m m iii

Latitudo eiusdem procurrit ab eâdem vrbe Dulcinio, ad os Ambracij sinus, de Larta, & complectitur 270. millia pass. Francicas leucas 135. Germanicas 67 cum dimidia.

N v M. 3. *Qualitas Albanie.*

REGIO circa Dyrrachium & Dulcinium feracior est; in parte Meridionali etiam vina generosa crescunt, inter quæ Aulonica de la Valone celebrantur. Ad eamdem quoque vrbelm pix laudatissima crescit, & sal in montibus effoditur. In Italiâ quoque laudantur cera Albana, gossipium, linum, tapetes; & quia sale abundant, & piscibus ora maritima scatet, ideo illi fallantur, & per vniuersam Græciam distribuuntur.

N v M. 4. *Mores Albanorum.*

ALBANI omnes bellicosi sunt, & ad fatigandos hostes peridonei: milites hîc melius ex equis, quâm pedites depugnant, sed rapaces sunt, & nimio prædæ ardore victoriâ dubiam reddere solent Idiomate peculiari vtuntur quod neque Turicum, neque Græcum, neq; Slavicum, illud autem secum ex Asâ detulisse dicuntur; multis tamen Slavicis verbis inquinatum est. Venales animas habent, & ei militant qui luculentius stipendum offert, sed maximè Veneti operam suam & sanguinem locant. Italorum more vestiuntur fere ditiones, reliqui ritu barbarorum, quibus vestis ad necessitatem, nihil ad ornatum. In funeribus suis mortuum quasi viuentem interrogant, & præficas adhibent quæ sibi capillos euellunt, ac genas radunt. A meridie Dyrrachium usque viget ritus Græcus, exinde Latinus receptus est.

N v M. 5. *Politia Albanorum.*

TEMPORE irruptionis Turcicæ inter tres familias regio distributa fuit. *Comneni* ex familiâ Imperatorum Orientalium oræ maritimæ imperabant Dyrrachij & Aulonæ, Duxque ultimus Constantinus Comnenus, qui & Comes Montisferrati in Italiâ fuit, hîc rerum potitus est. Antea tamen Dyrrachium obtinuerunt Car- louisij ex familiâ Francicâ.

Mediterraneis locis, & magnæ parti Albaniæ imperarunt *Castriones*; sed ab Amurate II. domiti sunt. Quamquam Scanderbegus, hoc est Alexander Epirota, regnum paternum instaurarit, & fortissimè defenderit.